

Lelaki mengaku tidak bersalah ugut remaja diikat jamin

MIRI: Seorang lelaki diperintahkan Mahkamah Majistret supaya dibebaskan dengan jaminan RM1,000 berserta seorang penjamin tempatan oleh Mahkamah Majistret setelah mengaku tidak bersalah melakukan ugutan jenayah terhadap seorang remaja.

Mahkamah kemudian menetapkan 11 Oktober depan untuk pengurusan kes.

Bong Wee Seng, 46, dari Taman Bayshore, Jalan Pantai di sini telah dituduh melakukan ugutan jenayah terhadap Kong Sii Yuan, 14.

Dia didakwa melakukan kesalahan itu pada jam 5.30 petang, 17 September lalu di sebuah lot di Taman Bayshore, Jalan Pantai di sini.

Bagi kesalahan itu, tertuduh telah didakwa mengikut Seksyen 506 Kanun Keseksaan yang memperuntukkan hukuman penjara tujuh tahun atau denda atau keduanya sekali, jika sabit kesalahan.

Pendakwaan dilakukan Inspektor Mudzilawati Abdul Rahman di hadapan Mahkamah Majistret Michelle Lim Wan Chen.